



21. april 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut isumaqarpat Royal Greenland immikkut sallinneqarluni iluaqutigisinnaasaanik siusinnerusukkut pineqartarsimasoq?
2. Naalakkersuisut isumaqarpat Royal Greenland Aalisarnermut Inatsimmi immikkut sallinneqarluni iluaquserneqarsimasoq?
3. Taamaassimappat sutigut immikkut iluaquserneqarsimasutut Naalakkersuisut isumaqarpat?
4. Taamaassimappallu Aalisarnermut Inatsit allanngortinneqarniarpa? Paragraf sorliit allanngorniarneqarpat?
5. Aasianni raajaleriffiup ammaannarnissaanut suunukua politikikkut aaqinneqartariaqartutut Polar Seafoodip Greenland-ip piumasarigai?
6. Naalakkersuisut Polar Seafood Greenland-ip piumasaqaatai isumaqatigivaat?
7. Aasianni raajaleriffiup ammaannarnissaa qulakkeerniarlugu Polar Seafoodip Greenland politikikkut aaqiisoqarnissaanik piumasaqaataat Naalakkersuisut malinniarpaat?
a) Aap b) Naamik
8. Naalakkersuisut isumaqarpat Aasianni raajaleriffiup matusariaqalersinnaaneranut Aalisarnermut Inatsit pissutaasoq?
9. Aasianni raajaleriffiup matunnginnissaa qulakkeerniarlugu Naalakkersuisut qanoq sutigullu aaqiisoqarsinnaanera takorloorpaat?
10. Aasianni raajaleriffiup ammaannarnissaa qulakkeerniarlugu, Ilulissani aalisakkeriviup matunissaanik Polar Seafoodip saqqummiussinera Naalakkersuisut isumaqatigaat?

(Inatsisartunut ilaasortaq Erik Jensen, Siumut)

Tungavilersuut:

Qineqqusaarnermi kingullermi Royal Greenland immikkut sallinneqarluni pinnerneqarnera annertuumik uparuartuutigineqarpoq. Taamaattumik paaserusunnarpoq sutigununa Royal Greenland immikkut sallitinneqarsimaneranik Naalakkersuisut isumaqartut? Ilanngullugulu paaserusunnarpoq Royal Greenland Aalisarnermut Inatsimmi immikkut sallitinneqarsimaneranik Naalakkersuisut isumaqarnersut? Taamaassimappallu inatsit sutigut allanngortinneqarnissaa Naalakkersuisut pilersaarutigaat?

Taamatuttaaq Sermitsiami atuarneqarsinnaavoq Polar Seafoodimiit piumasarineqartoq Aasianni raajaleriffiup ammaannarnissaa qulakkeerneqassappat politikikkut aaqiisoqartariaqartoq. Tassunga tungatillugu Naalakkersuisut qanormita isumaqarpat?

Apeqqutigineqartut ullut suliffiusut qulit iluanni akeqquneqarput.